



NAFARROAKO PARLAMENTUKO

ALDIZKARI OFIZIALA

VI. legegintzaldia

Iruña, 2007ko otsailaren 19a

12. ZK.

A U R K I B I D E A

A SAILA:

Foru lege proiektuak:

- Foru Legea, Nafarroako toki administrazioari buruzko uztailaren 2ko 6/1990 Foru Legea aldatzekoa, toki kontratazioari dagokionez. Osoko Bilkurak onetsia (3. or.).
- Foru Legea, 2007rako PREVER programa arautzen duena sozietateen gaineko zergari eta pertsona fisiko-en errentaren gaineko zergari dagokienez. Osoko Bilkurak onetsia (11. or.).
- Foru lege proiektua, landare osasunari buruzkoa. Osoko Bilkurak bazter utzi du osoko zuzenketa (13. or.).
- Foru lege proiektua, Nafarroako errepideei buruzkoa. Osoko Bilkurak bazter utzi ditu osoko zuzenketak (13. or.).
- Foru lege proiektua, Nafarroako poliziaei buruzkoa. Osoko Bilkurak bazter utzi ditu osoko zuzenketak (13. or.).
- Foru Lege proiektua, Nafarroako poliziaei buruzkoa. Erretiratutako osoko zuzenketak (14. or.).
- Foru Lege proiektua, Nafarroako poliziaei buruzkoa. Bertan behera utzitako osoko zuzenketa (14. or.).

B SAILA:

Foru lege proposamenak:

- Foru Lege proposamena, Gizarte ereduari buruzko gutun baterako. Osoko Bilkurak aintzat ez hartua (15. or.).
- Foru Lege proposamena, Osasunari buruzko azaroaren 23ko 10/1990 Foru Legea aldatzekoa. Osoko Bilkurak aintzat ez hartua (15. or.).
- Foru Lege proposamena, 0tik 3 urtera bitarteko haur hezkuntzaren arloko neurriei buruzkoa. Osoko Bilkurak aintzat ez hartua (15. or.).
- Foru Lege proposamena, energia aurreztu eta energia berriztagarriak sustatzeari buruzkoa. Osoko Bilkurak aintzat ez hartua (16. or.).

E SAILA:

Jabeldurak, mozioak eta adierazpen politikoak:

- Mozioa. Horren bidez, Nafarroako Gobernuia premiatzen da Zangozan sartzeko Aragoi ibaiaren gainetik beste zubi bat eraikitzea errazte aldera beharrezkoak diren jarduketak egin ditzan. Osoko Bilkurak bazter utzia (17. or.).

- Mozioa. Horren bidez, Nafarroako Gobernua premiatzen da adineko pertsonak teknologia berrietara hurbiltzeko hartutako neurriak zabal ditzan. Osoko Bilkurak bazter utzia (17. or.).
- Mozioa. Horren bidez, Nafarroako Gobernua premiatzen da oinarritzko osasun laguntzako medikuen aldarrikapenak aintzat har ditzan. Osoko Bilkurak bazter utzia (18. or.).
- Mozioa. Horren bidez, Nafarroako Gobernua premiatzen da egoitzen finantzazio eta itun sistema alda dezan. Osoko Bilkurak bazter utzia (18. or.).
- Mozioa. Horren bidez, Nafarroako Gobernua premiatzen da plan akustiko bat idatz dezan. Osoko Bilkurak bazter utzia (18. or.).
- Mozioa. Horren bidez, Nafarroako Parlamentuak gaitzetsi egiten du Vianako Printzea Erakundea-Kultura eta Turismo Departamentuaren legegintzaldi honetako kudeaketa, eta Nafarroako Gobernua premiatzen du orain arteko jarduketa ildo alda dezan. Osoko Bilkurak bazter utzia (19. or.).

A saila:
FORU LEGE PROIEKTUAK

Foru Legea, Nafarroako toki administrazioari buruzko uztailaren 2ko 6/1990 Foru Legea aldatzekoa, toki kontratazioari dagokionez.

OSOKO BILKURAK ONETSIA

Nafarroako Parlamentuak, 2007ko otsailaren 8an egindako Osoko Bilkuran, Nafarroako toki administrazioari buruzko uztailaren 2ko 6/1990 Foru Legea toki kontratazioari dagokionez aldatzeko Foru Legea onetsi zuen.

Foru lege hau, Nafarroako foru eraentza berrezarri eta hobetzeari buruzko Legeko Organikoko 20.2 eta Legebiltzarreko Erregelamenduko 150. artikuluekin bat, gehiengo osoz onetsi da proiektu osoari buruzko azken bozketa batean.

Legebiltzarreko Erregelamenduko 143. artikuluan ezarritakoa betez, argitara dadin agindu da.

Iruñean, 2007ko otsailaren 12an

Lehendakaria: Rafael Gurrea Induráin

Nafarroako toki administrazioari buruzko uztailaren 2ko 6/1990 Foru Legea toki kontratazioari dagokionez aldatzeko Foru Legea

ZIOEN AZALPENA

1.

Foru legearen justifikazioa, eskumena eta legegintzako aurrekariak

Nafarroan, Toki administrazioari buruzko uztailaren 2ko 6/1990 Foru Legea onetsi zen arte, toki kontratazioari buruzko arauak Nafarroako udal administrazioari buruzko 1928ko Erregelamenduan jasotzen ziren. Aipatu foru legeak indarra hartu zuenetik, kontratazio publikoa arautzen duen foru araudira pasatu zen arau horien zati bat, orokorra hain zuzen ere, foru legeak Foru Komunitateko administrazioaren kontratazioen araubidera igortzen baitzuen. Nafarroako toki entitateetan kontratazioak egiteko berezitasunak, berriz, toki araubideari buruzko foru legerian gelditu ziren.

Kontratu publikoei buruzko ekainaren 9ko 6/2006 Foru Legea indarrean sartu arte, toki kontratazioaren araubidea Nafarroako administrazio publikoen kontratuei buruzko ekainaren 16ko 10/1998 Foru Legean zegoen ezarrita, bai eta Nafarroako toki administrazioari buruzko Foru Legearen seigarren tituluan ere. Orain, aipatu foru legea osatu da toki eremuari begira, foru legeak berak emandako aginduarekin bat, eta kasuan kasuko berezitasunak ezarri.

Eremu horretarako legegintza eskumena erabiltzen da, toki administrazioari dagokionez, Nafarroako foru eraentza berrezarri eta hobetzeari buruzko abuztuaren 10eko 13/1982 Lege Organikoko 46. artikuluan xedatutakoaren babesean eta, kontratuen arloari dagokionez, berriz, 49.1.d) artikuluan xedatutakoaren babesean, errespetatuz betiere Estatuko oinarritzko legediaren funtsezko printzipioak eta kontratazio publikoari buruzko erkidegoaren printzipioak eta arauak.

Hain zuzen ere, Kontratu publikoei buruzko Foru Legeak orain arte zuzentarauei loturik zeuden kontratu publikoak esleitzeko prozeduren koordinazioari buruzko zuzentzara berriaren transposizioa egin du, eta halatan, obra, zerbitzu eta hornidura kontratuei buruzko araudia Europako Parlamentuaren eta Kontseiluaren 2004ko martxoaren 31ko 2004/18/EE Zuzentzarauan bategin da.

Era berean, Kontratu publikoei buruzko Foru Legean Kontratazio Publikorako Batzordeari kontratazio publikoaren arloan kautelazko neurriak aldeztu aurretik eskatzeko araubidea eta batzorde horretan erreklamazioa aurkezteko jaso dira, hain zuzen ere Europar Batasuneko Justizia Auzitegiaren 2003ko maiatzaren 15eko epaitik heldu diren terminoetan, 1989ko abenduaren 21eko 89/665/CE Zuzentzarauaren transposizioa egite aldera –zuzentzaraua horniduren eta obren kontratu publikoak esleitzearan arloan errekurtsioak aurkezteko prozedurak aplikatzeari buruzkoa da, eta

ondotik zerbitzuen kontratu publikoak gehitu behar izan ziren-. Hirugarren xedapen iragankorren, toki entitateei ahalmena ematen zaie, foru lege hau indarrean sartu arte, haien lizitazioak aipatu erreklamazioaren xede izan daitezzen, baldin eta administrazio klausulen orrian aukera hori jasozten bada.

2.

Foru legearen helburuak eta edukia

Foru lege honek hurrengo helburu nagusiak ditu: batetik, toki kontratazioaren eremuan jada agertzen diren berezitasunak Nafarroako administrazio publiko guztietako eta haiei lotutako entitateetako toki kontratazioaren araubide orokor berrira egokitzea, zeina egokiturik baitago kontratazio publikoari buruzko zuzentarau berrira; bestetik, Nafarroako toki entitateen eta horiei lotutako entitateen ezaugarriei erreparatuta beharrezkoak diren berezitasunak arautzea, foru eta erkidegoa esparru berrian entitate kontratugileak diren aldetik, eta azkenik, arau-esparru berriak eskaintzen dituen zenbait tresna garatzea, bai tokiko kontrataziorako oro har, bai zur eta egurretako aprobetxamenduen eremuko ondare-kontrataziorako.

Lehenik eta behin, Nafarroako toki administrazioari buruzko Foru Legean, toki entitateen ondasurei buruzko tituluko herri ondasunei buruzko kapituluko bigarren ataleko laugarren azpiatala aldatzen da, zuraren salmenta modernizatu eta arintzea helburu.

Zerbitzu publikoen zuzeneko kudeaketa-moduen araubidean aintzat hartzen da zein den toki entitateen arteko sozietateen errealitatea, sozietate horietako zenbaitetatik heldu den kapital soilik publikoz osatuta baitaude.

Nafarroako toki administrazioari buruzko Foru Legeak seigarren tituluan dituen berezitasunen eremuan, askotariko forma juridikoetatik heldu diren alderdiak arautzeari ekin zaio, hala antolatzen baitira, kontratazio publikoaren subjektu aktiboak diren aldetik, toki entitateak. Halaber, aurreikuspenak garatu dira, bai erkidegoarenak, bai foru komunitatearenak, kontratazio publikoa baliatzeko gizarte-helburuak lor daitezzen, baldin eta aldi berean entitate kontratugilearentzat abantailatsuak badira.

Aukera berriak garatu dira, hala nola 2.000 biztanle baino gutxiagoko entitateetan bateraezintasun-araubide berriarekin kontratatzea edo erosketazentralen bidez lizitazio bateratuak egitea.

Arau eta printzipio orokorrak egokitu dira –hala nola eskumenari, Kontratazio Mahaiari, bermeei, formalizazioari, obrak hartzeari edo publizitateari

buruzkoak– toki entitateen berezitasunetara, administrazioak diren aldetik.

Azkenik, kontratazio publikoaren arloko errekurtsioei buruzko zuzentarauaren transposizioa egin da eta kontuan hartu dira oraingoan ere Nafarroako toki entitateen berezko egitura juridikoa eta antolamendu-egitura.

1. artikulua. Zur eta egurretako aprobetxamenduak.

Nafarroako toki administrazioari buruzko uztailaren 2ko 6/1990 Foru Legeko laugarren tituluko II. kapituluko bigarren ataleko laugarren azpiatalari testu berria eman zaio, ondokoa hain zuzen ere:

“LAUGARREN AZPIATALA

Zur eta egurretako aprobetxamenduak

163. artikulua.

Herri-mendietako aprobetxamenduak oihanen arloan foru araudiak ezarritako baldintzen eta baimenen arabera egiten dira. Administrazioen arteko lankidetzaren eremuan, Nafarroako Foru Komunitateko administrazioan oihanen arloko eskumena duen departamentuak, toki entitateak eskatuta, aprobetxamenduaren balorazio ekonomikoari buruzko txostena emanen du. Balorazioa orientabide modura egiten da eta ez da loteslea izanen.

164. artikulua. Toki entitateek ordenantza bidez finkatuko dituzte etxeetako egurretako nahiz materialetako auzo-aprobetxamenduen zenbatekoa, epeak eta gainerako baldintzak, eta ez da inolaz ere baimenduko horien salmenta.

165. artikulua. Toki entitateek, Foru Komunitateko administrazioak baimendu ondoren, oihan loteen aprobetxamenduak eman ahalko dituzte, tokian tokiko usadio eta ohituren arabera. 142. artikuluan xedatutako baldintza orokorrez gain, tokiko ordenantzek hurrengo betekizunak ezarriko dituzte:

a) Onuradunak izan daitezke honako bizilagunak: famili unitatearen kide bakoitzeko lanbide arteko gutxieneko soldataren 100eko 30etik behera jasotzen dutenak edo famili unitatearen dirusarrerara guztiak aipatu soldata gehi erdiaren azpitik dutenak.

Famili unitatean kideren batek ezintasun fisikoa edo mentala izanez gero, honako dirusarreraz zentralizatu da ezintasuna duen kide bakoitzeko: lanbide arteko gutxieneko soldataren 100eko 60.

b) Oinarrizko lotearen bolumena etxeko bost metro kubiko izanen da.

Onuradunei eman beharreko loteak oinarritzko loteari hurrengo koefizienteak aplikatuz lortuko dira:

Hiru kide bitarteko famili unitateak, 1 koefizientea.

Lau kidetik seira bitarteko famili unitateak, 1,5 koefizientea.

Zazpi kidetik bederatzira bitarteko famili unitateak, 2 koefizientea.

Bederatzi kidetik gorako famili unitateak, 2,5 koefizientea.

Lote guztiek ez dute inolaz ere gaudituko mendiarren urteko errentaren edo ahalmenaren 100eko 25.

c) Toki entitateek, beren herri ondasunen ezaggarriak eta udalerriko baldintza sozialak kontuan hartuta, proportzionalki eta justifikatuta jaitsi ahal izanen dute a) eta b) letretan ezarritakoa, baina ez igo.

d) Oihaneko produktuen lote horiek ezin izanen dira bakarka ustiatu, toki entitateek batera ustiatu beharko baitituzte. Besterendu eginen dituzte eta onuradunei salmentaren zenbatekoa emanen diete, markatzearen eta enkantearen gastuak kendu ondoren.

166. artikulua. 1. Oro har, enkante publikoaren sistema erabiliko da, 143. artikuluko 2. idatz-zatian eta tokiko kontratazioaren arloan ezarritakoarekin bat, azpiatal honetan ezarritako berezitasunei jarraikiz.

2. Enkantea hutsik geldituz gero, eta bakarrik zur eta egurretako aprobetxamenduen ondorioetarako soilik, bigarren enkantea eta, beharrezkoa bada, hirugarrena ere egin ahal izanen dira; tasazioaren hasierako prezioa 100eko 10 merkatuko da bigarren enkantean, eta 100eko 30era bitarte, berriz, hirugarrenean.

3. Ez baldin bada aurreko idatz-zatian xedutakoa aplikatzen edo azkeneko enkantea izan ondoren hutsik gelditzen bada eta toki entitateak haren balio ekonomikoari buruzko txostena eskatzen badio oihan administrazioari. Kasu horretan, toki entitateak foru lege honetako 170. artikuluan xedatutakoari jarraikiz besterendu ahalko ditu zur eta egurretako aprobetxamenduak.

167. artikulua. 1. Toki entitateek eskatuta, zur eta egurretako oihan aprobetxamenduak lote desberdinetan zatitu ahal izanen dira, ondoren errazago saldu ahal izateko.

2. Toki entitateen zur eta egurretako aprobetxamenduak lote bakarrean bildu ahal izanen dira,

bestereentzeko. Horretarako, eta zur eta egurretako produktuak saltzearen ondorioetarako, salmentazentralak erabili ahal izanen dira, kontratu publikoari buruzko foru legeriak eta foru lege honek salmentazentralerako xedatutakoari jarraikiz.

168. artikulua. Ez du edukirik.

169. artikulua. 1. Toki entitateek esparru-akordioak egin ahal izanen dituzte enpresa batekin edo gehiagorekin zur eta egurretako produktuen aprobetxamenduen ondorioetarako. Esparru-akordioetan gutxienez honako hauek zehaztu beharko dira: indarraldia, baldintza tekniko eta administratibo orokorrak, ezaugarri bolumetrikokoak eta aprobetxamenduen produktu-motak eta prezioak.

2. Esparru-akordio horiek onesteko prozedura erregelamenduz garatuko da.

Osagarri moduan, eta zur eta egurretako produktuak saltzearen ondorioetarako, kontratu publikoari buruzko foru legeriak xedatutakoari erreparatuko zaio.

170. artikulua. 1. Toki entitateek zur eta egurretako aprobetxamenduak besterentzen ahalko dituzte, enkantearen tramitea egin gabe, hurrengo kasuetan:

a) Lote bakarraz osatuak daudenean eta kubiakzioak erregelamenduz zehaztutakoak direnean.

b) Presakotzat jotzen diren herri-lanak edo lan pribatuak direla-eta egiten badira eta interes publikoari eragiten badiote.

c) Oihaneko suteak, izurriteak eta gaitzak edo zuhaitziaren egonkortasunerako arriskuak direla-eta mendiko produktuak premiaz erauzi behar badira.

d) Foru lege honetako 166.3 artikuluan ezarritakoetan.

2. Artikulu honetako 1. idatz-zatiko b) eta c) letretan aurreikusten diren kasuetan, Nafarroako Foru Komunitateko administrazioan oihanen arloko eskumena duen departamentuak txostena egin beharko du eta loteslea izanen da.”

2. artikulua. Zerbitzu publikoak kudeatzeko moduak.

Nafarroako toki administrazioari buruzko uztailaren 2ko 6/1990 Foru Legeko 192. artikuluko 2. idatz-zatiko d) letrak testu berria du. Hona:

“d) Merkataritza-sozietateak kudeatzea. Sozietatearen kapitala oso-osorik toki entitate batena edo batzuen izan daiteke, edo horren edo horien

menpekoak diren entitate publiko batena edo batzuenak.”

3. artikulua. Toki kontratazioaren berezitasunak.

Nafarroako toki administrazioari buruzko uztailaren 2ko 6/1990 Foru Legeko seigarren tituluko testu berria du. Hona:

“SEIGARREN TITULUA Kontratazioa

224. artikulua. 1. Nafarroako toki entitateek egindako kontratuek Nafarroako administrazio publikoei aplikatzekoa zaien legezko araubidea bete behar dute eta foru lege honetan agertzen diren berezitasunak izanen dituzte.

2. Obra, hornidura nahiz laguntza kontratuak eta herri-lanen nahiz zerbitzuen kontzesioak Nafarroako toki entitateen menpeko edo horiei lotutako gainerako pertsona eta entitateek eginez gero, edo haien dirulaguntzarekin eginez gero, eta kontratu publikoei buruzko foru legedia bete behar badute, subjektu eta entitate horien kontratu publikoetarako legeria horretan xedatutakoarekin bat prestatu eta esleituko dira, foru lege honek dituen berezitasunekin bat.

3. Nafarroako toki entitateen edo horiei lotutako entitateen zerbitzu publiko bat kudeatzeko kontratuei zerbitzuen emakida kontratuetarako ezarritako araubide juridikoa aplikatuko zaie, baldin eta kontratistari eman beharreko ordainsaria ez bada zerbitzuaren ustiapen ekonomikoa edo ustiapenarekin batera prezio bat ordaintzea, ondoko salbuespenak salbuespen:

a) Luzapenak barne, epea ez da hamar urtetik gorakoa izanen, hitzarmenetan izan ezik.

b) Europar Batasuneko publizitatearen betebeharrak aplikatuko da, baldin eta, zerbitzu motaren arabera betebeharrak hori beharrezkoa izaki, kontratuaren balio zenbatetsiak Europar Batasuneko atalasea gainditzen badu.

4. Toki entitateak edo hari lotutako entitateek kontratu publikoei buruzko foru legediko xedapen aplikagarriekin bat hautatuko dituzte bazkide pribatu edo pribatuak, zerbitzu publiko bat merkataritza-sozietate baten edo kooperatiba baten bidez kudeatzeko, baldin eta kapitala hein batean soilik bada toki entitatearena.

5. Merkataritza sozietateak entitatearen edo entitateen entitate instrumental berekiztat hartuko dira, baldin eta sozietatearen kapitala oso-osorik toki entitate batena edo batzuen edo horien menpeko entitate publiko batena edo batzuen

ena bada. Halatan, entitate instrumental horiei mandatuak egiten zaizkienean obra, hornidura edo laguntza kontratuei dagozkien prestazioak egin ditzaten, ez zaie kontratu publikoei buruzko foru legedia aplikatuko, baldin eta hurrengo baldintzak betetzen badituzte:

a) Bere kabuz erabakitze ahalmenik ez izatea, entitate mandatu-egileak kontrolatzen duela, bere zerbitzu edo unitateak kontrolatzen dituen antzera.

b) Jarduera gehiena entitate mandatu-egilearentzat egitea.

6. Toki entitateek eta horiei lotutako entitateek kontratuen esleipenerako prozeduretan parte hartzeko aukera erreserbatu ahal izanen diete tailer babestuei, edo kontratuen gauzatzea zenbait enpresarentzat erreserbatu ahal izanen dute enplegu babestuko programen esparruan, ukitutako langile gehienek ezgaitasunen bat izan eta, beren ezgaitasun motagatik edo larritasunagatik, lanbide-jarduera bat baldintza normaletan egiteko modurik ez dutenean, edota erreserba hori egin ahal izanen dute, orobat, gizartetik bazterturik geratzeko arriskua duten pertsonak laneratzea helburu duten enpresarentzat. Kasua bada, erreserba hori udalerrian bertan dauden enpresarentzat egin ahal izanen da. Erreserbatzen diren kontratuen zenbatekoa, gehienez, aurreko aurrekontu-ekitaldian esleitutako kontratuen zenbatekoaren 100eko 20 izanen da. Erreserbatzen diren kontratuen lizitazioari buruzko iragarkietan aipatu egin behar da honako xedapen hau.

225. artikulua. Nafarroako toki entitateetan, 2.000 biztanle baino gutxiago badituzte, abstentziarako arrazoia izanen da hautapen bidezko karguen bateraezintasuna, kasuan kasuko ordenantzak hala xedatzen duen kasuetan edo, halakorik ezean, osoko bilkurak, korporazioko legezko kidekopuruaren gehiengo osoz, erabakitzen duenetan.

226. artikulua. Toki entitateetako ondoko organoei dagokie kontratatze eskumena:

1. Udaletan, foru lege honetako 8. artikuluan xedatutakoarekin bat dagokienei.

2. Kontzejuetan, usadio eta ohituren arabera dagokionari, eta halakorik ezean:

a) Kontzejuburuari:

1) Urteko kontratazioak, baldin eta zenbatekoak aurrekontuetako dirusarrera arrunten 100eko 10 gainditzen ez badu.

2) Urte anitzetarako kontratazioak, baldin eta gastua aplikatzen den ekitaldien kopurua lautik gorakoa ez bada, eta urte guztietako zenbatekoa

baturik arestian aipaturako ehunekoa gainditzen ez badu.

b) Batzarrari edo kontzeju irekiari, gainerako kasuetan.

3. Mankomunitate, tradiziozko batasun eta elkarte izaerako bestelako toki entitateetan, bakoitzaren estatutuetan xedatutakoari jarraituko zaio, eta arestiko idatz-zatian kontzejuentzat ezarritakoa ordezkotzeko gisa aplikatuko da.

227. artikulua. 1. Toki entitateek administrazio klausula orokorren orriak eta agindu tekniko orokorren orriak ezarri ahalko dituzte. Orri horiek onestea Osoko Bilkurari edo entitatearen organo gorenari dagokio.

Administrazio klausula partikularren orriek eta agindu tekniko partikularren orriek ezin izanen dute izan orri orokorretan ezartzen denaren aurkako hizpaketarik, salbu eta orri horiek onesteko organo eskudunak baimentzen dituen kasuetan.

2. Toki entitate batek edo batzuek edo haiei lotuta dauden edo menpekoak diren entitate edo erakundeek salmenta-zentralak sortu edo eratzten badituzte edo Nafarroako beste administrazio publiko batzuek sustatutakoetara atxikitzen badira, aipatu zentralak lizitazio bakarrean entitate baten edo batzuen kontratu bat edo batzuk esleitu ahalko dituzte. Horretarako, loteak eginen dituzte irizpide geografikoei, ekonomikoei, prestazioen homogeneotasunari edo bestelako arrazoiei erreparatuz, betiere esleipen hartzaileak hautatzeko edo entitateei behar dituzten prestazioak emateko aukera eman beharko dutenak, eragin kortasunaren printzipioarekin bat.

Obra, hornidura edo laguntza kontratu batzuk batera baina lote berezietan adjudikatzen badira, horiek denak edo horien parte bat ez direla aldi berean eginen ezartzen ahalko da, eta lizitatzailerei exijitu ahalko zaie lote batzuetarako edo guztietarako eskaintzak aurkez ditzaten. Nolanahi ere, hori guztia zehaztu beharko da administrazio klausula partikularren orrian edo kontratuaren baldintzetan eta lizitazioaren iragarkian adierazi beharko da.

3. Larrialdiko espedienteen tramitazio berezian, kontratazio organoa entitateko burua izaten ahalko da kasu guztietan, zeinak ondoren egiten den lehenbiziko osoko bilkuran eman beharko baitu egindakoaren berri.

228. artikulua. 1. Emakida kontratuak adjudikatzeke Kontratazio Mahaia eratu beharko da nahitaez beti, bai eta obra kontratuen balio zenbatetsia 300.000 eurotik goitikoa bada (BEZa kanpo) eta hornidura eta laguntza kontratuen zenbatekoa 60.000 eurokoa edo gehiagokoa bada ere (BEZa

kanpo. Gainerako kasuetan, administrazio klausulen orriak kontratazio mahai bat ezarri ahalko du.

2. Kontratazio mahaiaren buru korporaziokoa bera izanen da, edo korporazioko kideetatik hark eskuordetutakoa, eta mahaiko partaide izanen dira, gutxienez, kontratazio organoak izendatzen dituen bi kide; horietako bat entitateko idazkaria izanen da, edo zuzenbidean lizentziatua den funtzionario bat, betetzen ari den lanposturako titulazio hori exijitzen bada, eta hura arituko da idazkari.

Kontratazio organoak izendatzen dituen kideak ez badira teknikari adituak kontratuak xede duen gaian, mahaia behar diren txosten teknikoak eskatu beharko ditu, esleipen proposamena haientan oinarritzeko.

3. Artikulu honetako 1. idatz-zatiarekin bat, kontratazio mahaiaren eraketa aukerakoa izan eta mahaia ez bada eratzten, kontratua kudeatzeko ardura duen unitatearen ardura izanen da lizitatzailak onartzea eta esleipen proposamena egitea, idazkariak proposatuta, eta bata zein bestea kasuan kasuko txosten teknikoetan oinarritu beharko dira.

Kontratazio mahaia eratzten bada, eraketa horrek balio ahalko du prozesu osorako edo bakar-bakarrik esleipen proposamena egiteko. Azken kasu horretan, aurreko lerrokadan ezarritakoaren arabera eginen dira kalifikazioa eta onarpena.

229. artikulua. 1. Administrazio klausula partikularren orrian esleipen irizpideen ponderaziorik ezarri ez bada, ezin izanen da haietako bakoitza balioetsi garrantziaren ordenaren arabera haren ondotik ezarritako irizpiderako aplikatutakoaren 100eko 10eko ponderaziotik goiti.

2. Toki entitateek esleipen irizpideak aplikatu ondotik sortzen diren berdinketak ebazteko irizpideak ezarri ahalko dituzte, oro har nahiz kontratu bakoitzerako. Irizpide horiek aplikatuta berdinketak jarraituz gero, zozketaz ebartziko da. Irizpiderik ezarri ezean, berriz, kontratu publikoei buruzko foru legediak finkatutako irizpideekin bat ebartziko da berdinketa.

3. Prozedura negoziatu batean, kontratuen funtsezko baldintzen agiriak ondokoak arautuko ditu gutxienez ere: kontratuaren xedea, zenbatekoa eta epea eta gauzatzeko beharrezkoak diren zehaztasun teknikoak; kontratazio organoaren, kontratua kudeatzeko ardura duen unitatearen eta, halakorik baldin bada, Kontratazio Mahaia identifikazioa; gutxienerako kaudimen-baldintzak; esleipen irizpideak; ordaintzeko modua eta, kasua bada, prezioak berraztertzeke modua.

4. Prezioan soilik oinarrituta esleitu behar diren prozedura irekiak ahoz egiten ahalko dira, lizitazioaren hitzezko proposamen eta posturen bidez, herriko ohitura eta usadioei jarraituz.

Aipatu kontratazioetan, kontratu publikoei buruzko foru legedian jasotzen diren betekizunak aplikatuko dira. Proposamen ekonomikoak idatziz aurkeztu ordez, hitzezko proposamen eta posturak eginen dira jendaurreko ekitaldian.

5. Ondareko edo herrilurretako ondasunak aprobetxatu edo besterentzeko ahozko enkanteetan parte hartu ahal izateko, lizitazioaileek bete beharko duten baldintza bakarra da administrazio klausula partikularren orrian eskatzen den behin-behineko bermea gordailuan uztea.

Adjudikatu aitzin, administrazio klausula partikularren orrian ezarritako baldintzak betetzen direla egiaztatzeko dokumentazioa aurkeztu beharko da.

Esleipen proposamena irabazten duen lizitazioaileari, baldintza horiek bete ezik, behin-behineko bermea bahituko zaio eta gainera esleipenaren aldeagatik administrazio lizitazioaileari egindako kalte eta galeren ardura hartuko du bere gain.

Enkanteetako esleipen egintzaren emaitza berehala jarriko da entitateko iragarki-oholean.

6. Ondarea edo herrilurrak aprobetxatu edo besterentzeko enkanteak prozedura irekiaren bidez eginez gero, esleipenaren proposamena jasotzen duen eskaintza, gutxienez zenbateko osoaren seitek bat gehituz hobetu ahalko da. Sesta emateko, arau hauei jarraituko zaie:

a) Enkanterako iragarritako ordutik hasi eta ondoko sei egunetan egin beharko da eta seigarren eguneko ordu berean amaituko, jaiegunak ere barne direla.

b) Enkantean lizitazioaile izan ez bada ere, legezko ahalmena duen edonork egiten ahalko du; betiere, aurrez behin-behineko bermea jarri badu.

c) Idatziz nahiz idazkariaren aurrean hitzez egin ahalko da. Edozein modutan ere, idazkariak eginbide bat idatziko du, aurkeztu den eguna eta ordua adieraziko duena, eta interesdunak sinatuko du.

d) Sesta ematea amaitu ondoren, horretarako jarritako epea bukatu eta ondoren lau egun baliodun izanen dira beste enkante bat egiteko. Toki entitateak esleipenaren proposamenaren hartzaileari bere postura seiren bat hobetua izan dela jakinarazi beharko dio eta behin betiko enkantea noiz eginen den espresuki adierazi.

e) Behin betiko enkantea egiteko tasazio prezioztat, egindako hobekuntzatik ateratakoa hartuko da eta kasuan kasuko iragarkia jarriko iragarki oholean, hurrengo enkantea zein egun eta ordutan izanen den gutxienez bi egun natural aurretik zehaztuta. Hasierakoaren modu berean eginen da enkantea. Lizitazioaileak ez badago, kontratua sesta-emateari esleia dakiola proposatuko da.

f) Enkante berriari buruzko akta idatziko da eta artikulua honetako 5. idatz-zatiko azken lerrokadan aurreikusitako bezalaxe iragarriko da emaitza.

g) Esleipenaren proposamenaren ondorengo hiru egun baliodunetan edonork erreklamazioa egin ahalko du idatziz, lizitazioaile izan gabe ere, lizitazioaren tramitazio akatsen eta, bereziki, lizitazioaren gaitasun juridikoaren kontra, eta bere iritziz esleipena egiteko bidezko den ebazpena eman dadila eskatu ahalko du.

7. Lizitazioaren eta adjudikazioaren iragarkiak kasuan kasuko toki entitatearen iragarki oholean jarriko dira, kontratu publikoei buruzko foru legediarekin bat jarri beharreko hedabideetan jartzeaz gain.

8. Nafarroako toki entitateek eta horiei lotutako entitateek nahitaez iragarri beharko dute Kontratazioaren Atarian prozedura negoziatu bat abian dela, baldin eta kontratuaren zenbatekoak, obra kontratuen kasuan, 300.000 euro (BEZa kanpo) gainditzen baditu, eta, hornidura eta laguntza kontratuen kasuan, 60.000 euro (BEZa kanpo) gainditzen baditu.

Kasu horietan, kontratua arautzeko baldintzetan ezarritako irizpideekin bat eskaintzak aurkezteko gonbita jasoko duten lizitazioaileen kopurua muga dezake administrazioak, hori horrela dela adieraziz kontratua arautzeko baldintzetan eta lizitazioaren iragarkian.

230. artikulua. 1. Nafarroako toki entitateek eta haiei lotutako entitateek ondoko arauak jarraituz formalizatuko dituzte kontratuak:

1) Administrazio klausula partikularren orrietan edo kontratuaren baldintzetan kontratuak formalizatzea exijitu ahalko da.

2) Kontratua formalizatu beharra ezartzen den kasuetan, entitateko idazkariak eskuetsi beharko ditu kontratua formalizatzeko administrazio-agiriak.

3) Kontratua formalizatu beharra ezartzen ez den kasuetan, administrazio klausula partikularren orrian edo baldintzetan adierazi beharko da zer epetan jarri beharko den bermea, bermea jarri behar baldin bada, eta orobat adieraziko da zein epetan hasi behar den kontratua betetzen edo,

obra kontratuen kasuan, zein epetan egiaztatu behar den zuinketa.

4) Kontratua formalizatu ez den kasuetan, epeak zenbatzen hasiko dira administrazio klausula partikularren orrietan edo kontratuaren baldintzetan ezarritako egunetik edo aldeek kontratua betetzen hasteko adostutako egunetik aitzina, kontratuei buruzko legediak kontratua formalizatzen den egunetik aitzina zenbatu beharra ezartzen baitu.

5) Kontratua formalizatu ez den kasuetan, esleipenaren ebazpena edo erabakia edozein erregistro publikotan sarrera izateko behar adinako titulua izanen da.

2. Administrazio klausula partikularren orriak ezarri beharko du betebeharreri aurre egiteko bermea jarri beharra kontratua formalizatu baino lehen, baldin eta, obra kontratuen kasuan, zenbatekoa 300.000 eurotik gorakoa (BEZa kanpo) bada, eta hornidura eta laguntza kontratuen kasuan, berriz, zenbatekoa 60.000 eurotik gorakoa (BEZa kanpo) bada, eta betiere, kontratuaren izaera eta zenbatekoa zein ere diren, esleipen-hartzaileak kontratu publikoei buruzko foru legediaren arabera ohi baino eskaintza baxuagotzat jo daitekeena aurkeztu badu; halakoetan, esleipenaren prezioaren 100eko 50eko bermea jarriko da, eta hori ez da eragozpen izanen zenbateko hori kontratua jaso aurretik itzuli edo hein batean ezeztatu dadin, kontratua kudeatzeko ardura duen unitateak txostena egin ondoren eta esleipenaren prezioaren 100eko 25eko mugarekin.

Toki entitateen kontratuetan lizitatu edo betebeharrak betetze aldera exijitzen diren bermeak entitate kontratugilearen diruzaintzan jarri beharko dira.

3. Entitateek, kontratatzeko orduan foru lege honek xedatutakoa bete behar badute, Kontratazio Publikorako Batzordeari jakinaraziko dizkiote kontratu guztiak, nahiz eta formalizatu ez, salbu eta exijitzen ahal den dokumentazio bakarra faktura den prozeduretan esleitutakoak, eta ezertan ere ukatu gabe larrialdietako kontratazioetarako ezarritakoa.

231. artikulua. Obren onarpenean egon beharko dute entitateko buruak edo hark eskuordetutako kideak, entitateko idazkariak, obren zuzendaritzako arduradunak, egoki iritziz gero bere fakultatiboa lagun duela, eta kontu-hartzailetzako lanak egiten dituenak.

232. artikulua. 1. Obra, hornidura eta laguntza kontratuen lizitazioan edo esleipenean interesatuta dauden enpresek eta profesionalak horiei buruzko

kautelazko neurriak eskatu ahalko dituzte betiere, bitarteko telematikoen nahiz konbentzionalen bidez, baldin eta kontratuak foru lege honetan xedatutakoari lotu behar bazaio eta Europar Batasuneko atalasea gainditzen badu; entitate kontratugileak xedatuz gero, berriz, kontratazio publikoaren arloko erreklamazioa jarri ahal izanen dute hilabeteko epean, kontratu publikoei buruzko foru legedian ezarritakoari jarraikiz, toki entitateak berak edo elkarren artean nahiz Nafarroako beste administrazio publiko batzuekin elkartutako zenbait toki entitatek xede horrekin eratutako organoari –ebazteko eginkizunetan independentea eta jarraibide hierarkikoei lotuta ez dagoena– zuzendua.

Eskaera eta, kasua bada, kautelazko neurriak indarrak gabe geldituko dira, baldin eta ez bada jartzen foru lege honetako 335. artikuluan aipatzen dituen administrazio errekursoetarik bat edo, bestela, kasuan kasuko epeen barruan kontratazio publikoaren arloko erreklamaziorik jartzen ez bada.

2. Europar Batasuneko atalaseak gainditzen ez dituzten kontratuen kasuan, lizitatzailerek erreklamazioa jarri ahalko dute eta alde aurretik kautelazko neurriak eskatu, honen aurreko lerrokadan ezarritako moduan, baldin eta toki entitateak edo hari lotutako entitateek administrazio klausula partikularren orrian edo kontratuaren baldintzetan hala xedatzen bada.

3. Toki kontratazio publikoaren arloan ebazteko eskumena duen organoak, 1. idatz-zatian aipatutakoak, toki entitate kontratugileko zinegotzi bat izanen du buru, eta haren kide izanen dira, gutxienez ere, toki entitate kontratugileko osoko bilkurak izendatutako bi kide. Horietatik bat kontratuaren gaian aditua den teknikari bat izanen da, eta bestea entitate kontratugilearen idazkaria edo entitateko funtzionario bat, zuzenbidean lizentziatua eta titulazio hori exijitzen den lanpostua betetzen duena, edo, kasua bada, toki entitate elkartuetariko edozeinetakoa, zeina idazkari lanetan arituko baita. Nolanahi ere, kide gehienek kontratazio publikoaren arloan edo kontratuaren xedearen arloan prestakuntza berezia dutela bermatu beharko da.

4. Entitate kontratugileak honen aurreko idatz-zatian aipatzen den organoa izendatzen ez badu, kontratazio publikoaren arloko erreklamazioa jarri ahalko da, Kontratazio Publikorako Batzordeari zuzendua, Kontratu publikoei buruzko foru legeko hirugarren liburuan ezarritako moduan.

5. Kasu guztietan, toki entitateek edo haiei lotutako entitateek administrazio klausula partikularren

orrian edo kontratuaren baldintzetan adierazi beharko dute zein organori zuzentzen ahal zaion errekurtoa edo erreklamazioa eta eskatzen ahal zaion kontratazio publikoaren arloko kautelazko neurriak ezar ditzan eta, kasua bada, orobat adieraziko dute lizitatzailleak behartuta daudela helbide elektronikoko bat ematera jakinarazpenak bitarteko telematikoen bidez egin daitezen, baldin eta kontratazio publikoaren arloko erreklamazioa aurkeztu bada edo kautelazko neurriak ezar daitezen eskatu bada.

Betebehar hori ezartzea bidezkoa den kasuetan, lizitatzailleek ezin izanen dute erreklamazioa jarri betebehar hori bete ezean.”

Xedapen iragankor bakarra. Foru lege honen aplikazioa

Kontratuen administrazio klausula partikularren orriak edo baldintzak foru lege honek indarra hartu baino lehen onartu baldin badira, kontratu horiei ez zaie aplikatuko foru lege honetan xedatutakoa, eta onetsi ziren unean indarrean zegoen araudia aplikatuko zaie.

Azken xedapen bakarra. Indarra hartzea.

Foru lege honek Nafarroako Aldizkari Ofizialean argitaratu eta hogeit hamar egunen buruan hartuko du indarra.

Foru Legea, 2007rako PREVER programa arautzen duena sozietateen gaineko zergari eta pertsona fisikoen errentaren gaineko zergari dagokienez.

OSOKO BILKURAK ONETSIA

Nafarroako Parlamentuak, 2007ko otsailaren 8an egindako Osoko Bilkuran, sozietateen gaineko zergari eta pertsona fisikoen errentaren gaineko zergari dagokienez 2007rako PREVER programa arautzen duen Foru Legea onetsi zuen.

Legebiltzarreko Erregelamenduko 143. artikuluan ezarritakoa betez, argitara dadin agindu da.

Iruñean, 2007ko otsailaren 12an

Lehendakaria: Rafael Gurrea Induráin

Foru Legea, 2007rako PREVER programa arautzen duena sozietateen gaineko zergari eta pertsona fisikoen errentaren gaineko zergari dagokienez

Foru lege honen xedea da 2007. urterako PREVER programaren onura fiskalak arautzea sozietateen gaineko zergari eta pertsona fisikoen errentaren gaineko zergari dagokienez, baina aplikazio esparrua gehieneko pisu baimendua sei tona baino gutxiagokoa duten ibilgailu industrial berrietara mugatuta.

PREVER programaren barrenean zenbait garraiobideren gaineko zerga berezia xedetzat duen zatia, zerga horren kuotari egiten zaion kenkariari dagokionez, 2007rako ere arautu da, eta 2.500 zentimetro kubikotik beherako zilindrada duten automobil berrien behin betiko lehen matrikulazioa egitean aplikatuko da. Aipatutako kenkaria Zerga Bereziei buruzko abenduaren 30eko 20/1992 Legearen 47.bis artikuluan arautu zen.

PREVER programa ibilgailuen parkea modernizatzeko, bide-segurtasuna hobetzeko eta ingurumena babesteko sortu zen; zenbait onura fiskal ematean datza programa, eta bi modutara gauzatzeko da: kasu batzuetan, zenbait garraiobideren gaineko zerga bereziaren kuotari kenkaria eginez, eta beste batzuetan ibilgailuaren saltzailearen zerga pertsonalaren kuotari kenkaria eginez (sozietateen gaineko zergan edo pertsona fisikoen errentaren gaineko zergan). Foru lege honek bigarren onura fiskal horiek ditu hizpide, hau da, sozietateen gaineko zergan edo pertsona fisikoen errentaren gaineko zergan kuota likidoari aplikatu ahalko zaion kenkaria.

PREVER programaren aplikazioa 2006ko abenduaren 31ra artekoa izatea aurreikusirik bazegoen ere –eta hala adierazten da kenkari hau foru araudian txertatu zuen martxoaren 29ko 3/2004 Foru Legearen atarikoan-, Estatuko araudiaren indarraldia izanen du 2007. urtean ere, ingurumenaren ikuspuntutik garraiobideetan eragina duen fiskalitatea birmoldatzeko irizpideak zehaztu bitarte. Kontuan harturik komeni dela arlo honetan foru araudia Estatukoarekin bat etortzea, martxoaren 29ko 3/2004 Foru Legea indargabetu da, eta sozietateen gaineko zergan edo pertsona fisikoen errentaren gaineko zergan kuota likidoari egin beharreko kenkaria araubide erkidean xedatutakoa egokitu zaio.

Hortaz, programa hori 2008ko urtarrilaren 1ean desagertzea aurreikusi da, eta sozietateen gaineko zergan edo pertsona fisikoen errentaren gaineko zergan kuota likidoari egin beharreko kenkariari dagokionez, aplikatzea soilik gehieneko pisu baimendua sei tonatik beherakoa duten ibilgailu industrial berriak erosi edo finantza-errentamenduan eskuratu dituztenei, betiere erosleek edo finantza-errentatzaileek frogatzen badute baja eman diotela, desegitera eramateko, gehieneko pisu baimendua sei tonatik beherakoa duen eta haien titularitatekoa den beste ibilgailu industrial bati, eta foru lege honetan zehaztutako zenbait baldintza betetzen badira.

1. artikulua. Ibilgailuen ezaugarriak.

Ondorioak 2007ko urtarrilaren 1etik aurrera izateko eta soilik 2007ko abenduaren 31ra arte, 4. artikuluan aipatzen diren pertsonen honako kenkari hau egin ahalko diote sozietateen gaineko zergaren kuota likidoari edo pertsona fisikoen errentaren gaineko kuota likidoari: gehieneko pisu baimendua sei tonatik beherakoa duten ibilgailu industrial berriak erosi edo finantza-errentamenduan eskuratu dituztenei emandako hobarien zenbatekoa, betiere erosle edo finantza-errentatzaile horiek frogatzen badute baja eman diotela, desegitera eramateko, gehieneko pisu baimendua sei tonatik beherakoa duen eta haien titularitatekoa den beste ibilgailu industrial bati, eta baldintza hauek betetzen badira:

a) Desegitera eramateko ibilgailuak zazpi urte baino gehiago izatea behin betiko lehen matrikulaziotik. Behin betiko lehen matrikulazioa ez bada

Espainian egina, nahitaezkoa da, aurreko lerrokan aipatzen den antzinasunaz gainera, desegitera eramateko ibilgailua Espainian behin betikoz matrikulatua izatea, desegiteko behin betiko baja baino urte bete lehenago gutxienez.

b) Bai ibilgailu berria bai desegitera eramateko ibilgailua Trafiko, motoredun ibilgailuen zirkulazio eta nide degurtasunari buruzko martxoaren 2ko 339/1990 Legegintzako Errege Dekretuaren eranskineko 23. eta 26. idatz-zatietan sarturik egotea, bai eta zenbait garraibideren gaineko zerga bereziko lotura-ezeko kasuetakoren batean ere, zehazki Zerga bereziei buruzko abenduaren 30eko 20/1992 Foru Legeko 42. artikuluko 1. idatz-zatietan a) letran jasotzen diren horietakoren batean.

2. artikulua. Kenkariaren zenbatekoa.

Kuota likidoari dagokionez, aurreko artikulua aipatzen duen kenkaria ez da 480,81 euro baino gehiago izanen.

3. artikulua. Kenkarirako baldintza.

Hobariaren zenbatekoa ez da kengarria izanen baldin eta ibilgailu zaharrari baja eman zaionetik berriaren matrikulazioa egin arte sei hilabete igaro badira.

4. artikulua. Kenkaria egin dezaketen pertsonak.

1. artikuluan aurreikusitako kenkaria fabrikatzaileak, Espainiako lehen hartzaileak edo, bestela, eta horien orde, kontzesiodunarekin edo azken saltzailearekin banaketarako kontratu-harremanak dituenak eginen du.

Kasua hori bada, kontzesiodunak edo ibilgailuaren azken saltzaileak haren prezioan aplikatuko du hobaria, baina hobari horrek ez du eraginik izanen ez balio erantsiaren gaineko zergaren oinarrian, ez kuotan.

Finantza-errentamenduaren kasuan hobariaren zenbatekoa balio erantsiaren gaineko zergaren oinarrian sartuko da.

Foru lege honek aipatzen duen hobaria bereganatzen duen subjektu pasiboak kontzesiodunari

edo azken saltzaileari itzuliko dio hobariaren zenbatekoa, 2. artikuluan kenkariaren zenbatekoari ezarritako mugarekin, eta azken horrek hari eman beharko dizkio kenkaria aplikatu izana frogatzen duten fakturak eta ibilgailuen baja-ziurtagiriak, saltzaileek sozietateen gaineko zergan edo pertsona fisikoen errentaren gaineko zergan egiten dituzten kenkariak frogatzeko.

5. artikulua. Baldintzak betetzen direla frogatzea.

Aurreko artikuluetan eskatzen diren baldintzak betetzen direla agertaraziko da Trafiko Zuzendaritza Nagusiak edo haren menpeko organo eskudunek ibilgailuei buruz ematen dituzten baja-ziurtagrietan.

6. artikulua. Konturako ordainketatzat hartzea.

1. artikulua aipatzen duen kenkariaren zenbatekoa konturako atxikipen eta sarrerren parekotzat hartuko da abenduaren 30eko Sozietateen gaineko ergari buruzko abenduaren 30eko 24/1996 Foru Legearen 74. eta 86. artikuluetan eta Pertsona fisikoen errentaren gaineko zergari buruzko abenduaren 30eko 22/1998 Foru Legearen 91. artikulua arautzen duten kenkaria egiteko eta, hala bada, ofiziozko itzulketarako, eta berdin subjektu pasiboak egin beharreko zatikako ordainketetarako.

Xedapen indargabetzaile bakarra. Martxoaren 29ko 3/2004 Foru Legean araututako ibilgailuen parkea modernizatzeko Prever programaren bukaera.

Ondorioak 2007ko urtarrilaren 1etik aurrera izateko, indarrik gabe gelditu da Prever programa luzatzen duen martxoaren 29ko 3/2004 Foru Legea, salbu eta lege horretako xedapen gehigarri bakarra.

Azken xedapen bakarra. Indarra hartzea.

Foru lege honek Nafarroako Aldizkari Ofizialean argitaratu eta biharamunean hartuko du indarra, legean berean aurreikusitako ondorioak izateko.

Foru lege proiektua, landare osasunari buruzkoa.

OSOKO BILKURAK BAZTER UTZI DU OSOKO ZUZENKETA

Nafarroako Parlamentuak, 2007ko otsailaren 8an egindako Osoko Bilkuran, erabaki zuen bazter uztea Socialistas del Parlamento de Navarra parlamentu-taldeak landare osasunari buruzko Foru Lege proiektuari aurkeztutako osoko zuzenketa.

Hori horrela, Legebiltzarreko Erregelamenduko 130.5 artikuluan ezarritakoarekin bat, aipatu proiektua Nekazaritza, Abeltzaintza eta Elikadura Batzordera igorri da.

Iruñean, 2007ko otsailaren 12an

Lehendakaria: Rafael Gurrea Induráin

Foru lege proiektua, Nafarroako errepideei buruzkoa.

OSOKO BILKURAK BAZTER UTZI DITU OSOKO ZUZENKETAK

Nafarroako Parlamentuak, 2007ko otsailaren 8an egindako Osoko Bilkuran, erabaki zuen bazter uztea Aralar eta Socialistas del Parlamento de Navarra parlamentu-taldeek Nafarroako errepideei buruzko Foru Lege proiektuari aurkeztutako osoko zuzenketak.

Hori horrela, Legebiltzarreko Erregelamenduko 130.5 artikuluan ezarritakoarekin bat, aipatu proiektua Herrilan, Garraio eta Komunikazio Batzordera igorri da.

Iruñean, 2007ko otsailaren 12an

Lehendakaria: Rafael Gurrea Induráin

Foru lege proiektua, Nafarroako poliziei buruzkoa.

OSOKO BILKURAK BAZTER UTZI DITU OSOKO ZUZENKETAK

Nafarroako Parlamentuak, 2007ko otsailaren 8an egindako Osoko Bilkuran, erabaki zuen bazter uztea Eusko Alkartasuna eta Aralar parlamentu-taldeek Nafarroako poliziei buruzko Foru Lege proiektuari aurkeztutako osoko zuzenketak.

Hori horrela, Legebiltzarreko Erregelamenduko 130.5 artikuluan ezarritakoarekin bat, aipatu proiektua Lehendakaritza, Justizia eta Barne Batzordera igorri da.

Iruñean, 2007ko otsailaren 12an

Lehendakaria: Rafael Gurrea Induráin

Foru Lege proiektua, Nafarroako poliziei buruzkoa.

ERRETIRATUTAKO OSOKO ZUZENKETAK

Nafarroako Parlamentuak, 2007ko otsailaren 8an egindako Osoko Bilkuran, erabaki zuen Izquierda Unida de Navarra-Nafarroako Ezker Batua eta Socialistas del Parlamento de Navarra parlamentu-taldeek Nafarroako poliziei buruzko Foru Lege proiektuari aurkezturiko osoko zuzenketak erretiratutzat jotzea.

Hori horrela, Legebiltzarreko Erregelamenduko 130.5 artikuluan ezarritakoarekin bat, aipatu proiektua Lehendakaritza, Justizia eta Barne Batzordera igorri da.

Iruñean, 2007ko otsailaren 12an

Lehendakaria: Rafael Gurrea Induráin

Foru Lege proiektua, Nafarroako poliziei buruzkoa.

BERTAN BEHERA UTZITAKO OSOKO ZUZENKETA

Nafarroako Parlamentuak, 2007ko otsailaren 8an egindako Osoko Bilkuran, adierazi zuen Askotariko parlamentu-taldeak Nafarroako poliziei buruzko Foru Lege proiektuari aurkezturiko osoko zuzenketa bertan behera utzi dela, parlamentu-talde horretako bozeramaile José Luis Etxegarai Andueza jaunaren faltagatik.

Hori horrela, aipatu proiektua Lehendakaritza, Justizia eta Barne Batzordera igorri da bere tramitazioa jarrai dezan.

Iruñean, 2007ko otsailaren 12an

Lehendakaria: Rafael Gurrea Induráin

B saila:
FORU LEGE PROPOSAMENAK

Foru Lege proposamena, Gizarte ereduari buruzko gutun baterako.

OSOKO BILKURAK AINTZAT EZ HARTUA

Legebiltzarrak, 2007ko otsailaren 8an egindako Osoko Bilkuran, Mitxel Lacunza Vicario jauna buru duen batzorde sustatzaile batek aurkeztutako Gizarte ereduari buruzko gutun baterako Foru Lege proposamena aintzat ez hartzea erabaki zuen.

Proposamen hori 2006ko abenduaren 15eko 108. Nafarroako Parlamentuko Aldizkari Ofizialean argitaratu zen.

Iruñean, 2007ko otsailaren 12an

Lehendakaria: Rafael Gurrea Induráin

Foru Lege proposamena, Osasunari buruzko azaroaren 23ko 10/1990 Foru Legea aldatzekoa.

OSOKO BILKURAK AINTZAT EZ HARTUA

Legebiltzarrak, 2007ko otsailaren 8an egindako Osoko Bilkuran, Izquierda Unida de Navarra-Nafarroako Ezker Batua parlamentu-taldeak aurkeztutako Osasunari buruzko azaroaren 23ko 10/1990 Foru Legea aldatzeko Foru Lege proposamena aintzat ez hartzea erabaki zuen.

Proposamen hori 2006ko azaroaren 24ko 103. Nafarroako Parlamentuko Aldizkari Ofizialean argitaratu zen.

Iruñean, 2007ko otsailaren 12an

Lehendakaria: Rafael Gurrea Induráin

Foru Lege proposamena, 0tik 3 urtera bitarteko haur hezkuntzaren arloko neurriei buruzkoa.

OSOKO BILKURAK AINTZAT EZ HARTUA

Legebiltzarrak, 2007ko otsailaren 8an egindako Osoko Bilkuran, Izquierda Unida de Navarra-Nafarroako Ezker Batua parlamentu-taldeak aurkeztutako 0tik 3 urtera bitarteko haur hezkuntzaren arloko neurriei buruzko Foru Lege proposamena aintzat ez hartzea erabaki zuen.

Proposamen hori 2006ko azaroaren 24ko 103. Nafarroako Parlamentuko Aldizkari Ofizialean argitaratu zen.

Iruñean, 2007ko otsailaren 12an

Lehendakaria: Rafael Gurrea Induráin

Foru Lege proposamena, energia aurreztu eta energia berriztagarriak sustatzeari buruzkoa.

OSOKO BILKURAK AINTZAT EZ HARTUA

Legebiltzarrak, 2007ko otsailaren 8an egindako Osoko Bilkuran, Izquierda Unida de Navarra-Nafarroako Ezker Batua parlamentu-taldeak aurkeztutako energia aurreztu eta energia berriztagarriak sustatzeari buruzko Foru Lege proposamena aintzat ez hartzea erabaki zuen.

Proposamen hori 2006ko azaroaren 24ko 103. Nafarroako Parlamentuko Aldizkari Ofizialean argitaratu zen.

Iruñean, 2007ko otsailaren 12an

Lehendakaria: Rafael Gurrea Induráin

E saila:
JABELDURAK, MOZIOAK ETA ADIERAZPEN POLITIKOAK

Mozioa. Horren bidez, Nafarroako Gobernua premiatzen da Zangozan sartzeko Aragoi ibaiaren gainetik beste zubi bat eraikitzea errazte aldera beharrezkoak diren jarduketak egin ditzan.

OSOKO BILKURAK BAZTER UTZIA

Socialistas del Parlamento de Navarra parlamentu taldeak ondoko mozioa aurkeztu zuen: "Nafarroako Gobernua premiatzen da Zangozan sartzeko Aragoi ibaiaren gainetik beste zubi bat eraikitzea errazte aldera beharrezkoak diren jarduketak egin ditzan."

Legebiltzarrak 2007ko otsailaren 9an egindako Osoko Bilkuran, erabaki zuen aurkeztutako mozioa baztertzea. Mozio hori 2006ko azaroaren 6ko 93. Nafarroako Parlamentuko Aldizkari Ofizialean argitaratu zen.

Iruñean, 2007ko otsailaren 12an

Lehendakaria: Rafael Gurrea Induráin

Mozioa. Horren bidez, Nafarroako Gobernua premiatzen da adineko pertsonak teknologia berrietara hurbiltzeko hartutako neurriak zabal ditzan.

OSOKO BILKURAK BAZTER UTZIA

Socialistas del Parlamento de Navarra parlamentu taldeak ondoko mozioa aurkeztu zuen: "Nafarroako Gobernua premiatzen da adineko pertsonak teknologia berrietara hurbiltzeko hartutako neurriak zabal ditzan."

mozioa baztertzea. Mozio hori 2006ko azaroaren 6ko 93. Nafarroako Parlamentuko Aldizkari Ofizialean argitaratu zen.

Iruñean, 2007ko otsailaren 12an

Legebiltzarrak 2007ko otsailaren 9an egindako Osoko Bilkuran, erabaki zuen aurkeztutako

Lehendakaria: Rafael Gurrea Induráin

Mozioa. Horren bidez, Nafarroako Gobernua premiatzen da oinarritzko osasun laguntzako medikuen aldarrikapenak aintzat har ditzan.

OSOKO BILKURAK BAZTER UTZIA

Aralar parlamentu taldeak ondoko mozioa aurkeztu zuen: "Nafarroako Gobernua premiatzen da oinarritzko osasun laguntzako medikuen aldarrikapenak aintzat har ditzan".

Legebiltzarrak 2007ko otsailaren 9an egindako Osoko Bilkuran, erabaki zuen aurkeztutako

mozioa baztertzea. Mozio hori 2006ko azaroaren - 10eko 96. Nafarroako Parlamentuko Aldizkari Ofizialean argitaratu zen.

Iruñean, 2007ko otsailaren 12an

Lehendakaria: Rafael Gurrea Induráin

Mozioa. Horren bidez, Nafarroako Gobernua premiatzen da egoitzen finantzazio eta itun sistema alda dezan.

OSOKO BILKURAK BAZTER UTZIA

Socialistas del Parlamento de Navarra parlamentu taldeak ondoko mozioa aurkeztu zuen: "Nafarroako Gobernua premiatzen da egoitzen finantzazio eta itun sistema alda dezan".

Legebiltzarrak 2007ko otsailaren 9an egindako Osoko Bilkuran, erabaki zuen aurkeztutako

mozioa baztertzea. Mozio hori 2006ko azaroaren 20ko 100. Nafarroako Parlamentuko Aldizkari Ofizialean argitaratu zen.

Iruñean, 2007ko otsailaren 12an

Lehendakaria: Rafael Gurrea Induráin

Mozioa. Horren bidez, Nafarroako Gobernua premiatzen da plan akustiko bat idatz dezan.

OSOKO BILKURAK BAZTER UTZIA

Socialistas del Parlamento de Navarra parlamentu taldeak ondoko mozioa aurkeztu zuen: "Nafarroako Gobernua premiatzen da plan akustiko bat idatz dezan".

Legebiltzarrak 2007ko otsailaren 9an egindako Osoko Bilkuran, erabaki zuen aurkeztutako

mozioa baztertzea. Mozio hori 2006ko azaroaren 20ko 100. Nafarroako Parlamentuko Aldizkari Ofizialean argitaratu zen.

Iruñean, 2007ko otsailaren 12an

Lehendakaria: Rafael Gurrea Induráin

Mozioa. Horren bidez, Nafarroako Parlamentuak gaitzetsi egiten du Vianako Printzea Erakundea-Kultura eta Turismo Departamentuaren legegintzaldi honetako kudeaketa, eta Nafarroako Gobernua premia-tzen du orain arteko jarduketa ildoa alda dezan.

OSOKO BILKURAK BAZTER UTZIA

Socialistas del Parlamento de Navarra parlamentu taldeak ondoko mozioa aurkeztu zuen: "Nafarroako Parlamentuak gaitzetsi egiten du Vianako Printzea Erakundea-Kultura eta Turismo Departamentuaren legegintzaldi honetako kudeaketa, eta Nafarroako Gobernua premia-tzen du orain arteko jarduketa ildoa alda dezan".

Legebiltzarrak 2007ko otsailaren 9an egindako Osoko Bilkuran, erabaki zuen aurkeztutako mozioa baztertzea. Mozio hori 2007ko otsailaren 2ko 4. Nafarroako Parlamentuko Aldizkari Ofizialean argitaratu zen.

Iruñean, 2007ko otsailaren 12an

Lehendakaria: Rafael Gurrea Induráin



NAFARROAKO PARLAMENTUKO
ALDIZKARI OFIZIALA

**HARPIDETZA
ORRIA**

Izen-deiturak

Helbidea

Telefonoa *Hiria*

P. K. *Probintzia*

Ordaintzeko:

Dirua Nafarroako Kutxako 2054/0000 41 110007133.9 zenbakiko kontu korrontera igorri edo bertan sartu.

HARPIDETZAREN PREZIOA ALDIZKARI OFIZIALA ETA BILKURA EGUNKARIA	IDAZKARITZA ETA ADMINISTRAZIOA NAFARROAKO PARLAMENTUA «Nafarroako Parlamentuko Aldizkari Ofiziala» Navas de Tolosa, 1 31002 IRUÑA
Urtebete 45,15 euro	
Aldizkari Ofizialaren prezioa, aleko 1,18 »	
Bilkura Egunkariaren prezioa, aleko 1,34 »	